



Aasiaat 16 .december 2020

Inatsisartut suleriaasianni § 37, imm. 1 naapertorlugu, matumuuna Naalakkersuisunut apeqqut una saqqummiuppara:

Naalakkersuisunut apeqqut:

- 1. Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) allangortinneqarneranik Inatsisartut inatsisaat nr. 34, 28. november 2016-imeersoq naapertorlugu kisermaassisussaataitanani annikitsukkuutaamik aatsitassarsiorsinnaanermut akuersissummi § 34a-mi oqaaseq "allat", Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allangortinneqarnissaa pillugu Inatsisartut inatsisaat nr. 39, 28. november 2019-imeersoq naapertorlugu § 29, imm. 4-mi ilaannginnera Naalakkersuisut uppersarsinnaavaat?**

(Inatsisartunut ilaasortaq Peter Olsen, Inuit Ataqatigiit)

Tunngavilersuut:

Aatsitassanut inatsit 2009-meersoq ukiut ingerlanerani arlalialunnik allangortinneqarpoq. Apeqqumi uani allannguutitut taakkununnga marlunut tunngatillugu qanoq paasinnittoqarnissaa apeqqutigerusuppara. Aalajangersakkat tulliuuttut pineqarput:

"Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) allangortinneqarneranik Inatsisartut inatsisaat nr. 34, 28. november 2016-imeersoq (Aalajangiinerup eqqartuussivinnut suliaqqartarneraq, akuersissummik peqarani aatsitassanik katersisarneraq paaasernerlu aamma akileraartarnermut nalunaarusiortarneraq aamma akiliisarneraq il.il. pillugit maleruagassat allangortinneqarnerat):

§ 34 a. *Kisermaassisussaataitanani annikitsumik aatsitassarsiornissamut akuersissut, tamatumunnga allaganngorlugu akuersineq kisermaassisussaataitaalluni akuersissut malillugu pisinnaatitsissummik pigisaqartumit nalunaarutigineqarsimappat, sumiiffinnut § 16 malillugu aatsitassanik misissuinissamut imaluunniit paaanissamut kisermaassisussaataitaalluni akuersissummut nalinginnaasumut imaluunniit § 33 malillugu kisermaassisussaataitaalluni annikitsumik aatsitassarsiornissamut akuersissummut allamut ilaatinneqartunut tunniunneqarsinnaavoq. Allaganngorlugu akuersineq, Naalakkersuisut tamanna piumasarippassuk, uppersarsaatip akuersinermik imaqqartup Naalakkersuisunut tunniunneratigut Naalakkersuisunut uppersarsarneqassaaq."*

Aamma

” Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. 39, 28. november 2019-imeersoq (Piiaanissamut akuersisummik pissarsinissamut tunngavissaritaasunut piumasaaqatit allanngortinneqarnerat aamma sumiiffiit piiaanissamut akuersisummi pineqartunut ilaasut illersorneqarnissaat):

[§ 29, stk. 4:]

” Imm. 4. Sumiiffimmi § 16 malillugu aatsitassanik piiaanissamut akuersisummi pineqartunut ilaasumi, akuersissut malillugu pisinnaatitsissummik pigisaqartup saniatigut allat aatsitassanik misissueqqaarnissamut, misissuinissamut imaluunniit aatsitassanik piiaanissamut akuersissut malillugu, ingerlataqarlutik suliaqaqqusaanngillat.”

§ 34a-mi kisermaassisussaatitaanani annikitsumik aatsitassarsiorsinnaanermik piffimmut akuersissut , akuersisummik piginnittoq allakkatigut akuersippat nalunaarutigineqarsinnaasoq atuarneqarsinnaavoq.

Kingusinnerusukkulli saqqummersumi § 29, imm. 4 naapertorlugu akuersissut naapertorlugu akuersisummik pigisaqartuunngitsut ingerlatsisinnaanngillat.

Taamaammat § 34a naapertorlugu kisermaassisussaatitaanani annikitsumik aatsitassarsiorsinnaanermik akuersisummi oqaaseq ”allat” 29, imm. 4-mut ilaatinneqannginnera Naalakkersuisut uppersarsinnaaneraat paasinartunngortitsinissaq siunertaralugu apeqqutigaara?

Apeqqutima ullut qulit ingerlaneranni akineqarnissaat kissaatigaara.